



საქართველოს მთავრობის გ ა ნ კ ა რ ბ უ ლ ე ბ ა

N211 2023 წლის 30 იანვარი ქ. თბილისი

სსიპ – საქართველოს მუნიციპალური განვითარების ფონდის მიერ
განსახორციელებელი ღონისძიებების შესახებ

1. საქართველოს ორგანული კანონის „ადგილობრივი თვითმმართველობის კოდექსის“ 159-ე მუხლისა და „საჯარო სამართლის იურიდიული პირის – საქართველოს მუნიციპალური განვითარების ფონდის დაფუძნების, სამეთვალყურეო საბჭოს განსაზღვრისა და მისი დებულების დამტკიცების შესახებ“ საქართველოს მთავრობის 2015 წლის 30 ოქტომბრის №558 დადგენილებით დამტკიცებული დებულების მე-3 მუხლის პირველი პუნქტის „ა“ ქვეპუნქტის საფუძველზე, სსიპ – საქართველოს მუნიციპალური განვითარების ფონდმა (შემდგომში – ფონდი) უზრუნველყოს:

ა) საქართველოს მასშტაბით, 64 მუნიციპალიტეტში (გარდა ახალგორის, ერედვის, ქურთის, თიღვისა და აჟარის მუნიციპალიტეტებისა) საბავშვო ბაღების მშენებლობა-რეაბილიტაციისათვის (შემდგომში –

პროექტ(ებ)ი) საჭირო ღონისძიებების განსახორციელებლად შესაბამისი საქონლის, მომსახურებისა და სამუშაოს შესყიდვა;

ბ) ამ განკარგულების პირველი პუნქტის „ა“ ქვეპუნქტით გათვალისწინებული 2023 წელს განსახორციელებელი ღონისძიებების დაფინანსება „საქართველოს 2023 წლის სახელმწიფო ბიუჯეტის შესახებ“ საქართველოს კანონის საფუძველზე, ფონდისთვის დამტკიცებული „სკოლამდელი აღზრდის დაწესებულებების მშენებლობა-რეაბილიტაციის“ ქვეპროგრამით (პროგრამული კოდი: 25 07 02) განსაზღვრული ასიგნებებიდან.

2. ამ განკარგულების პირველი პუნქტის „ა“ ქვეპუნქტით გათვალისწინებული საქონლის, მომსახურებისა და სამუშაოს შესყიდვები, საჭიროებისამებრ, შესაძლებელია განხორციელდეს:

ა) ერთიანი შესყიდვის ფარგლებში (ე. წ. design-build); ან/და

ბ) პრეისკურანტის საფუძველზე.

3. „სახელმწიფო შესყიდვების შესახებ“ საქართველოს კანონის პირველი მუხლის მე-4 პუნქტის თანახმად, მიეცეს თანხმობა ფონდს, ამ განკარგულების პირველი პუნქტის „ა“ ქვეპუნქტით გათვალისწინებული ღონისძიებების ფარგლებში შესყიდვების განხორციელებისას, საჭიროების შემთხვევაში, გამოიყენოს მსოფლიო ბანკის მიერ განსაზღვრული შესყიდვების პროცედურები (მათ შორის, შოპინგი, პირდაპირი მოლაპარაკებები და სხვა პროცედურები).

4. ეთხოვით შესაბამის მუნიციპალიტეტებს, საჭიროებისამებრ, ამ განკარგულების პირველი პუნქტის „ა“ ქვეპუნქტით გათვალისწინებული შესაბამისი პროექტ(ებ)ის განხორციელება.

5. შესაბამისი მუნიციპალიტეტის მიერ პროექტ(ებ)ის განხორციელების შემთხვევაში, პროექტ(ებ)ის დაფინანსება განხორციელდეს საქართველოს კანონმდებლობით დადგენილი წესით, მათ შორის, ფონდმა უზრუნველყოს, შესაბამისი მუნიციპალიტეტის მოთხოვნის საფუძველზე, შესრულებული სამუშაოს მოცულობის ან/და მოსალოდნელი

თანხის ათვისების პროგნოზის გათვალისწინებით, შესაბამისი მუნიციპალიტეტის მიერ გაფორმებული ხელშეკრულების საფუძველზე და განსაზღვრული თანხის ფარგლებში, პერიოდულად შესაბამისი მუნიციპალიტეტისათვის თანხის გადარიცხვა.

6. საჭიროების შემთხვევაში, პროექტ(ებ)ის თანადაფინანსება შესაძლებელია, განხორციელდეს საქართველოს კანონმდებლობის შესაბამისად ნებადართული სახსრებით ქალაქ თბილისის მუნიციპალიტეტის ან/და აჭარის ავტონომიური რესპუბლიკისა და მის ადმინისტრაციულ საზღვრებში არსებული მუნიციპალიტეტების მიერ.

7. „სახელმწიფო შესყიდვების შესახებ“ საქართველოს კანონის 10¹ მუხლის 3¹ პუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში შეუფერხებლად ჩატარების მიზნით, მიეცეთ უფლება ფონდსა და შესაბამის მუნიციპალიტეტებს პროექტ(ებ)ისთვის საჭირო საქონლის, მომსახურებისა და სამუშაოს სახელმწიფო შესყიდვა განხორციელონ ამავე კანონის 15¹ მუხლის მე-3 პუნქტის „ა“ და „გ“ ქვეპუნქტებით განსაზღვრულ ვადებში.

8. დაევალოს სსიპ – სახელმწიფო შესყიდვების სააგენტოს, ამ განკარგულების პირველი პუნქტის „ა“ ქვეპუნქტით გათვალისწინებული ღონისძიებების ეფექტიანად განხორციელების მიზნით, ფონდის მიმართვის საფუძველზე, გადახედოს იმ სამუშაოსა და მომსახურების CPV კოდებს, რომელთა შესყიდვა შესაძლებელია პრეისკურანტის საფუძველზე.

9. სსიპ – სახელმწიფო შესყიდვების სააგენტომ უზრუნველყოს პროექტების ეფექტიანად განხორციელების მიზნით სახელმწიფო შესყიდვებისათვის საჭირო შესაბამისი ღონისძიებების განხორციელება.

10. პროექტ(ებ)ის შინაარსის გათვალისწინებით, ამ განკარგულების პირველი პუნქტის „ა“ ქვეპუნქტით გათვალისწინებული შესყიდვები შესაძლებელია, წარმოადგენდეს მრავალწლიანი შესყიდვის კატეგორიის შესყიდვას.

11. საჭიროების შემთხვევაში, ფონდი შესაბამისი პროექტ(ებ)ის განხორციელების მიზნებისათვის შეისყიდის შესაბამის უძრავ ქონებას.

12. საჭიროებისამებრ, პროექტ(ებ)ის განხორციელებისათვის უძრავი ქონების სარგებლობის უფლებით გადაცემის მიზნით, სსიპ – სახელმწიფო ქონების ეროვნულმა სააგენტომ უზრუნველყოს შესაბამისი ღონისძიებების განხორციელება, ხოლო შესაბამის მუნიციპალიტეტს ეთხოვოს საქართველოს კანონმდებლობით გათვალისწინებული ღონისძიებების განხორციელება.

13. ეთხოვოთ შესაბამის მუნიციპალიტეტებს, საჭიროებისამებრ, უზრუნველყონ საქართველოს კანონმდებლობით გათვალისწინებული დაჩქარებული პროცედურების გამოყენება, ობიექტ(ებ)ის ეტაპობრივი სანებართვო და ექსპლოატაციაში მიღების წესების შესაბამისად.

14. ფონდმა ამ განკარგულების პირველი პუნქტის „ა“ ქვეპუნქტით გათვალისწინებული სამუშაოების მიღება განახორციელოს შესაბამისი მუნიციპალიტეტის მერიის/აჭარის ავტონომიური რესპუბლიკის მთავრობის შესაბამისი ორგანოს მონაწილეობით და სამუშაოები, მათი დასრულების შემდგომ, გადაეცეს შესაბამის მუნიციპალიტეტის მერიას/აჭარის ავტონომიურ რესპუბლიკას.

15. ეთხოვოს შესაბამის მუნიციპალიტეტს/აჭარის ავტონომიურ რესპუბლიკას, ამ განკარგულების მე-14 პუნქტის გათვალისწინებით, სამუშაოების მიღების პროცესში მონაწილეობა და სამუშაოების დასრულების შემდგომ მათი მიღება.

16. ეთხოვოს შესაბამის მუნიციპალიტეტს, განსახორციელებელი პროექტ(ებ)ის თავისებურებისა და ადგილმდებარეობის გათვალისწინებით, მოსახლეობის ინფორმირებისა და მათთან კომუნიკაციის ნაწილში ფონდისათვის შესაბამისი მხარდაჭერის განხორციელება.

17. საქართველოს რეგიონული განვითარებისა და ინფრასტრუქტურისა და საქართველოს ფინანსთა სამინისტროებმა, 2024 წლისა და, საჭიროებისამებრ, შემდეგი წლ(ებ)ის სახელმწიფო ბიუჯეტ(ებ)ის

პროექტ(ებ)ის მომზადების დროს, ფონდის წინადადების საფუძველზე, გაითვალისწინონ ამ განკარგულების პირველი პუნქტის „ა“ ქვეპუნქტით გათვალისწინებული შესაბამის წელს განსახორციელებელი ღონისძიებების დაფინანსებისათვის საჭირო თანხები.

პრემიერ-მინისტრი



ირაკლი ღარიბაშვილი